



苑詩類選卷之二十

明監察御史包節輯按察司知事前給事中王交校

酬和部

和武帝宴

梁簡文帝

校尉開疎勒將軍定月支南通新息柱北屆武陽碑豫  
遊戲馬館教戰昆明池銀塘寫清渭銅鈎引直漪常從  
良家子命中幽并兒金鞍飾紫珮玉燕帖青驪車書今  
已共願奏云亭儀

和徐錄事見內人作卧具 同前

密房寒日晚落照度窓邊紅簾遙不隔輕帷半卷懸方

知織手製詎減縫裳妍龍刀橫膝上畫尺墮衣前熨斗  
金塗色簪管白牙躔衣裁合歡禱文作鴛鴦連針用雙  
縫縷絮用八蚕綿香和麗丘蜜麝吐中臺煙已入琉璃  
帳兼雜太華纒且向雕爐暖非同團扇捐更恐從軍別  
空牀獨自憐

報王永興觀田

劉孝綽

重門寂已暮案牘罷置塵輕涼生筍席微風起扇輪浮  
瓜聊可貴溢酒亦成珍復有寒泉井兼以瑩心神曠彼  
忘言客閑居已洛濱顧已慙因地徒知薑桂辛但願崇  
明德無謂德無鄰

荅何記室遜

前人

遊子倦飄蓬瞻途杳未窮晨征凌迸水暮宿犯頽風出  
洲去分鴈向浦逐歸鴻蘭芽隱陳葉菝苗抽故叢忽憶  
園間柳猶傷江際楓吾生棄武騎高視獨餘雄既殫孝  
王產兼傾卓氏僮羅籍睢陽困陪謁建章宮紛餘似鑿  
枘方圓殊未工黑貂久自敝黃金屢已空去辭追楚穆  
還耕偶漢馮巧拙良為異出處嗟莫同若厭蘭臺召見  
訪灞陵東

荅張左西

前人

相思如三月相望非兩宮持此連枝樹暫作背飛鴻若



人惠思我摘藻蔚雕蟲仙掌方晞露靈鳥正轉風方假  
排空翮相與北山叢

和晉安主簿晚逐涼北樓迴望

庾肩吾

向夕紛喧屏追涼飛觀中樹影臨城日窓含度水風遙  
天如接岸遠帆似凌空陪文慙宋玉徒等待蘭宮

和衛尉新渝侯巡城口號 前人

維城寄右戚巡警屬勤王南瞻通灞岍北眺指橫芒入  
漢飛延閣臨雲出建章步逐天津遠城隨秋夜長露槐  
落金氣風撩上新涼

和蕭記室春旦有所思 費昶

芳樹發春輝蔡子望青衣水逐桃花去春隨楊柳歸楊  
柳何時歸裊裊復依依已蔭章臺陌復掃長門扉獨知  
離心者坐惜春光違洛陽遠如日何由見宓妃

富陽浦口和朗上人 何遜

客心愁日暮徙倚空望歸山煙斂樹色江水映霞輝獨  
鶴凌風逝雙鳧出浪飛故鄉千餘里茲夕寒無衣

酬聞人侍郎 吳均

悵然心不樂萬里尚悠悠凌朝憇杜渚薄暮遵江洲君  
住青門上我發灞陵頭相思自有處清風明月樓



荅張貞威臯

裴子野

匈奴時未滅連年被甲兵  
明君思將帥方聽鼓鼙聲  
吾生恣逸翻撫劍起徂征  
非徒慕辛季聊欲逞良平  
出車既方軌絕幕且橫行  
豈伊長纓繫行見黃河清

和衛尉新渝侯巡城口號

王筠

閭闔曉已昏鈞陳杳將暮  
樓鳥城上返晚雀林中度  
屯衛時巡警凝威肆安步  
閣道趨文昌禁兵連武庫  
銅鳥迎早風金掌承朝露  
杲愚分曉色睥睨生秋霧  
維城任寄崇空想靈均賦  
伊余方病免丘園保恬素

和洗祿發城南坂望京邑

袁朗

二華連陌塞九隴統金方  
與區稱富貴重險擅雄強  
飛灞水上鳳集岐山陽  
神臯多瑞跡列代有興王  
我后膺靈命爰求宅茲土  
宸居法太微建國資天府  
玄風隔黎庶德澤浸區宇  
醒醉各相扶謳歌從聖主  
南登少陵岸還望帝城中  
帝城何鬱鬱佳氣迺葱葱  
金風凌綺觀璇題敞蘭宮  
複道東西合交衢南北通  
萬國朝前殿群公議宣室  
鳴珮含早風華蟬曜朝日  
栢梁宴初罷千鍾歡未畢  
端拱肅巖廊思賢聽琴瑟  
逶迤萬雉列隱軫千閭  
布飛薨夾御溝曲臺臨上  
路處處歌鍾鳴喧闐車馬  
度日落長楸閒含情兩相  
顧是月冬之季陰寒晝不  
開

西和部 卷二十 四 西吳華十  
驚風四面集飛雪千里迴狐白登廊廟牛衣出草萊詎  
知韓長孺無復重燃灰

奉和率爾有詠

王訓

殿內多仙女從來難比方別有當窓艷復是可惜粧學  
舞勝飛燕染粉薄南陽散黃分黛色薰衣雜棗香簡釵  
新輟翠試履送垣墻一朝恃容色非復守空房君恩若  
可恃願作雙鴛鴦

和入京

呂讓

俘囚經萬里憔悴度三春髮改河陽鬢水餘京洛塵鍾  
儀悲去楚隨會泣留秦既謝平吳利終成失路人

和張侍中看獵

王褒

上林冬狩反回中講射歸還登宣曲觀更獵黃山圍巖  
冬桑柘慘寒霜馬騎肥縹盧隨兔走高鷹接雉飛獨嗟  
來遠客辛苦倦邊衣

奉報寄洛州

庾信

舟師會孟津甲子陣東隣雷轍驚戰鼓劒室動金神幕  
府風雲氣軍門關塞人長旂析鳥羽合甲抱犀鱗星芒  
一丈焰月暈七重輪黎陽水稍綠官渡柳應春無庸秦  
天睠驅傳牧南秦繁詞勞簡牘雜俗弊風塵上洛逢都  
尉商山見逸民留滯終南下唯當一史臣



西和書  
卷五  
和劉儀同

前人

止戈興禮樂，修文盛典謨。  
壁開金石篆，河浮雲霧圖。  
芸香上延閣，碑石向鴻都。  
讀書徵博士，明經拜大夫。  
璧池寒水落，學市舊槐枯。  
高談變白馬，雄辯塞飛狐。  
月落將軍樹，風驚御史烏。  
子雲方汗簡，溫舒正削蒲。  
連雲雖有閣，終欲想江湖。

和何僕射還宅懷故

前人

內閣早朝罷，中臺夕奏稀。  
無復千金笑，徒勞五日歸。  
步簷朝未掃，蘭房晝掩扉。  
苔生理曲處，網織回文機。  
故瑟餘絃斷，歌梁秋燕飛。  
朝雲雖可望，夜帳定難依。  
願憑甘

露入方假，慧燈輝寧知洛陽晚，還淚獨沾衣。

酬祖正員

前人

我皇臨九有，聲教洎無隄。  
興文盛禮樂，偃武息民黎。  
承乏驅騏馬，旌旃事鼓鞀。  
古碑文字盡，蓋城年代迷。  
被隴文瓜熟，交媵香蕙低。  
投瓊實有意，報李更無蹊。

和何儀同講竟述懷

前人

無名即講道，有動定參微。  
安經讓禮席，正業理儒衣。  
似得游焉趣，能同捨講歸。  
石渠人未歇，華陰市暫稀。  
秋雲低晚氣，短景負餘暉。  
螢排亂草出，鴈捨斷蘆飛。  
別有平陵逕，蕭條客鬢衰。  
饑噪空倉雀，寒驚懶婦機。  
實欣懷謏

問逢君理入微

荅王褒賞酒

前人

今日小園中桃花數樹紅  
開君一壺酒細酌對春風  
未能扶畢卓猶足舞王戎  
仙人一捧露判不及杯中

和歲道寒望

宗懌

旅騎出平原鉦鐃遍野喧  
接里開都邑連車駐小門  
稻車迴故塢獵馬轉新村  
古碑空戴石山龕未上幡  
所言春不至未有桃花源

奉和重適陽關

李那

街悲向玉關垂淚上瑤臺  
舞閣懸新綢歌梁積故埃  
紫

庭生綠草丹墀染碧苔  
金扉晝常掩珠簾夜暗開  
方池含水思芳樹結風哀  
行雨歸將絕朝雲去不回  
獨有西陵上松聲薄暮來

和虞記室騫古意

何子朗

美人弄白日灼灼當春牖  
清鏡對蛾眉新花弄玉手  
燕下拾池泥風來吹細柳  
君子何時歸與我酌尊酒

荅江學士勰

周若水

弱齡愛丘壑與子亟忘歸  
開衿對泉石携手玩芳菲  
忽逢朝市變斯樂眇難追  
意氣酒中改容顏鏡裏衰  
邠寒傷暮節落景促餘暉  
野曠蓬常轉林遙鳥倦飛  
故友輕



金玉萬里嗣音徽鄉關不可望客淚徒沾衣

和周記室遊舊京

前人

大夫愍周廟王子泣殷墟自然心斷絕何關繫慘舒僕  
本漳濱士舊國亦淪胥紫陌風塵起青壇冠蓋踈臺留  
子建賦宮落仲將書譙周自題柱商容誰表閭聞君懷  
古曲同病亦連如方知周處歎前後信非虛

荅和屬

王胄

外黃初邸客蜀郡晚琴聲本欲從張耳何曾說馬卿定  
知遊道日非是第如行高文擬雜珮善譚間瑤瓊前書  
言家室末叙掛簪纓問仁寧伐國揚波豈亂清聞有陽

臺客常留入愛情無由嗟獨割空引助庖名

敬酬楊僕射山齋獨坐

薛道衡

相望山河近相思朝夕勞龍門竹箭急華岳蓮花高岳  
高嶂重疊鳥道風煙接遙原樹若薺遠水舟如葉葉舟  
旦旦浮鷺波夜夜流露寒洲渚白月冷函關秋秋夜清  
風發彈琴即鑑月雖非在鳥歌吟詠常思越

重酬楊僕射山齋

前人

寂寂無與晤朝端去總成空庭聊步月閑坐獨臨風臨  
風時太息步月山泉側朝朝散霞彩暮暮澄秋色秋色  
遍臯蘭霞彩落雲端吹旌朔氣冷照鑑日光寒光寒塞

草平氣冷咽笳聲將軍獻凱入藹藹風生雲

荅譙王

于仲文

梧臺開廣宴竹苑列英賢景差方入楚樂毅始遊燕折  
角揮談柄重席吐言泉武騎初擣翰文學正題鞭玉徽  
調綠綺壁散沉青田晚霞淡遠岫落景藻長川未陪東  
閣賞獨詠西園篇

荅王無功冬夜載酒鄉館

崔善為

頒條忝貴郡懸榻久相望處士同楊鄭邦君謝李疆詎  
知方擁篲逢子敬惟桑明朝蓬戶側會自謁任棠

和酬虢州李司法

楊炯

唇齒標形勝關河壯邑居寒山抵方伯秋水面鴻臚君  
子從遊宦忘情任卷舒風霜下刀筆軒蓋擁門閭平野  
芸黃遍長洲鴻鴈初菊花宜泛酒蒲葉好裁書惜我芝  
蘭契悠然雲雨踈非君重千里誰肯惠雙魚

和鄭讐校內省眺矚思鄉懷友

前人

銅門初下辟石館始沉研遊霧千金字飛雲五色箋樓  
臺橫紫極城闕俯青田暄入瑤房裏春迴玉宇前霞文  
埋落照風物淡歸煙翰墨三餘隙關山四望懸顏峰睽  
酌羽流水曠鳴絃雖欣承白雪終恨限青天



和劉長史荅十九兄

前人

帝堯平百姓高祖宅三秦子弟分河岳衣冠動縉紳盛  
名恒不隕歷代幾相因街巷塗山曲門閭洛水濱五龍  
金作友一子玉為人寶劍豐城氣明珠魏國珍風颯自  
落落文質且彬彬共許刁玄亮同推周伯仁石城俯天  
闕鍾阜對江津驥足方遐騁狼心獨未馴鼓鼙鳴九域  
風火集重圍城勢餘三版兵威乏四鄰居然混玉石直  
置保松筠耿介酬天子危言數賊臣鍾儀琴未奏蘇武  
節猶新受祿寧辭死揚名不顧身精誠動天地忠義感  
神明恠鳥俄垂翼修蛇竟暴鱗來朝拜休命述職下梁

岷善政馳金馬嘉聲繞玉輪三荆忽有贈四海更相親  
宮徵諧鳴石光輝掩映銀山川遙滿目零落坐沾巾友  
愛光天下恩波浹後塵懦夫仰高節下里繼陽春

和王真秋夜有所思

盧照鄰

寂寂南軒夜悠然懷憐知長河落鴈苑明月下鯨池鳳  
臺有清曲此曲何人吹丹唇間玉齒妙響入雲涯窮巷  
秋風葉空庭寒露枝勞歌欲有和星鬢已將垂

酬張少府東之

前人

昔余與夫子相遇漢川陰珠浦龍猶卧檀溪馬正沉價  
重瑤山曲詞驚丹鳳林十年睽賞慰萬里隔招尋毫翰

風期阻荆衡雲路深鵬飛俱望昔蠖屈共悲今誰謂青  
衣道還歎白頭吟地接神仙礪江連雲雨岑飛泉如散  
玉落日似懸金重以瑤華贈空懷舞詠心

和吳侍御被使燕然

前人

春歸龍塞北騎指鴈門垂胡笳折楊柳漢使採燕支戍  
城聊一望花雪幾參差關山有新曲應向笛中吹

和御史韋大夫喜霽之作

前人

一作褚亮

晴天度旅鴈斜影照殘虹野靜餘煙盡山明遠色同沙  
平寒水落葉脆晚枝空白簡光朝憶彤駟出禁中息駕  
遊蘭坂彫文折桂叢無因輕羽翰徒自仰仁風

劉侍讀見和山邸十篇重申此贈

李嶠

神嶽瑤池圃仙宮玉樹林垂時警天御清暑滌宸襟梁  
駕陪玄賞淄庭掩翠岑對岩龍岫出分壑鴈池深簷迥  
松羅映窓高石鏡臨落泉奔澗響驚吹助猿吟野氣迷  
涼燠山花雜古今英藩盛賓侶勝境想招尋踐逕披蘭  
葉攀嵯引桂陰穆生時泛醴鄒子或調琴雉翳分場合  
魚鈎向浦沉朝遊極斜景夕宴待橫參顧已慙鉛錫叨  
名齒璫簪暫依朱邸館還暢白雲心丘壑信多美煙霞  
得所欽寓言攄宿志竊吹簡知音獎價踰珍石訓文重



振金方從仁知所携手濯清潯

和杜學士江南初霽羣懷 前人

大江開宿雨征棹下春流霧卷晴山出風恬晚浪收岸  
花明水樹川鳥亂沙洲羈眺傷千里勞歌動四愁

酬杜五第晴朝獨坐見贈 前人

平明坐虛館曠望幾悠哉宿霧分空盡朝光度隙來影  
低藤架密香動藥欄開未展山陽會空留池上杯

和杜學士旅次淮口阻風 前人

夕吹生寒浦清淮上暝潮迎風欲舉棹觸浪反停橈森  
漫煙波濶參差林岼遙日沉彤氣歛天敞白雲銷水厲

銜蘆葉沙鳧隱荻苗客行殊未已川路幾迢迢

酬李參軍崇嗣旅館見贈 陳子昂

昨夜銀河畔星河犯遙漢今朝紫氣新物色果逢真言  
從天上落乃是地仙人白壁疑宛楚烏裘似入秦摧藏  
多古意歷覽備艱辛樂廣雲雖覩夷吾風未春鳳歌空  
有問龍性詎能馴寶劍終應出驪珠會見珍未及馮公  
老何驚孺子貧青雲儻可致北海憶孫賓

和晉陵陸丞相早春有懷 杜審言

獨有宦遊人偏驚物候新雲霞出海曙梅柳渡江春淑  
氣催黃鳥晴光轉綠蘋忽聞歌古調歸思欲沾巾

早春代洛陽答杜審言

于季子

梓澤年光往復來杜霸遊人去不回若非載筆登麟閣  
定是吹簫伴鳳來路旁桃李花猶嫩波上芙蓉葉未開  
今明寄與長安道莫教留滯洛陽才

答甯愛州書

沈佺期

書報天中赦人從海上聞九泉開白日六翮起青雲  
幸恩先貸情孤枉未分自憐涇渭別誰與奏明君

酬李丹徒見贈之作

宋之問

鎮吳稱粵里試劇仰通才近挹人披霧遙聞境震雷一  
朝逢解榻累日共銜杯連轡登山盡浮舟望海迴以余

慙拙宦期子遇良媒贈曲南鳧斷征途北鴈催更憐江  
上月還入鏡中開

使往天兵軍馬約與陳子昂新鄉為期及還  
而不相遇

前人

入衛期之子吁嗟不少留情人去何處洪水日悠悠恒  
碣青雲斷衡漳白露秋知君心許國不是愛封侯

答李司戶

前人

遠方來下客輜軒揖使臣弄琴宜在夜傾酒貴逢春  
馬留孤館雙魚贈故人明朝散雲雨遙仰德為鄰

和燕公岳州山城

趙冬曦



為吏恩猶舊投沙惠此蒙江邊悠爾處泗上宛然同訪  
道精言合論經大義通鳴琴有真氣况已沐清風

和燕公遊澗湖上

前人

江外多山水招要步馬來琴將天籟合酒共鳥聲催岩  
坐攀紅藥溪行愛綠苔所懷非此地遊望亦徘徊

奉和魏僕射秋日還鄉有懷之作

蘇頌

南宮夙拜罷東道晝遊初飲餞傾冠蓋傳呼問里閭樹  
悲懸劔所溪想釣璜餘清發輝光至增榮駟馬車

奉和馬常侍寺中之作

前人

時云謝愨陽澤暫偏鼎陳從祀日鑰動問刑年終  
服龍霄寢玄冠馬使旋作霖期傳說為早聽周宣河岳  
陰符起星辰暗檄傳浮涼吹景氣飛凍洒空煙颯颯將  
秋近沉沉與暝連分湍涇水石合穎雍州田德施超三  
五文雍賦十千及斯何以樂明主敬人天

奉和同崔尚書贈大理陸卿鴻臚劉卿見示

之作

前人

戲藻嘉魚樂棲梧高鳳飛類從皆有召聲應乃無違美  
價逢時出奇才選衆稀避堂貽後政掃地發前機出曳  
仙人履還薰侍女衣省中何赫奕庭際滿芳菲吏部端

清鑒丞郎肅紫機會心歌詠是迴迹宴言非北寺鄰玄  
闕南城寫翠微參差交隱見彷彿接光輝賓序常柔德  
刑字已霽威巨源林下契不速自同歸

和魏僕射還鄉

張說

富貴還鄉國光輝滿舊林秋風樹不靜君子嘆何深故  
老空懸劍鄰交日散金衆芳搖落盡獨有歲寒心

酬崔光祿冬日述懷贈答

前人

徐陳嘗並作枚馬亦同時各負當朝譽俱承明主私夫  
君邁前侶觀國騁竒姿山似鳴威鳳泉如出寶龜才雄  
子雲筆學廣仲舒帷紫綬拂三寺朱門臨九逵昔我含

香日連爾縉雲司朝携蘭省步夕退竹林期中路一分  
手數載來何遲求友還相得群英復在茲留臺少人務  
方駕迺尋追涉玩懷同賞沾芳憶共持迎賓南澗飲載  
妓東郊嬉春郊綠畝秀秋澗白雲滋名畫披人物良書  
討滯疑興來光不惜歡往迹如遺歲晏罷行樂層城間  
所思夜魂燈處厭朝髮鏡前衰忽枉崔駟什兼流常孟  
詞曲高彌寡和主善代為師齋戒觀華玉留連嘆色絲  
終慙起予者何足與言詩

和張監觀赦

前人

日御臨雙闕天街儼百神雷舒作解氣歲復建寅春喜



候開星驛歡聲發市人金環能作賦來入管絃新

和朱使欣道峽似巫山之作

前人

江如曉天靜石似暮雲張征颿一流覽宛若巫山陽楚  
客思歸路秦人謫異鄉猿鳴孤月夜再使淚沾裳

和朱使二首

前人

南土多為寇西江盡畏途山行阻篁竹水宿礙萍蒲使  
越才應有征蠻力豈無空傳人贈劍不見虎銜珠

其二

江勢連山遠天涯此夜愁霜空極天靜寒月帶江流思

起南征棹文高北望樓自憐如墜葉泛泛侶仙舟

定昆池奉和蕭令潭字韻 前人

暮春三月日重三春水桃花滿楔潭廣樂逶迤天上下  
仙舟搖衍鏡中酣

岳州宴別潭州王熊二首 前人

縉雲連省閣溝水遽西東然諾心猶在容華歲不同孤  
城臨楚塞遠樹入秦宮誰念三千里江潭一老翁

其二

絲管清且哀一曲傾一杯氣將然諾重心向友朋開古  
木無生意寒雲若死灰贈君芳杜草為植建章臺

西和部  
卷三十  
十一  
王熊  
荅前二首

長沙辭舊國洞庭逢故人薰蘭敦久要披霧轉相親歲  
月方嗟老江山不惜春忽聞黃鶴曲更作白頭新

其二

平生共風月倏忽間山川不期交淡水暫得款忘年興  
逸方罷釣颿開欲解船離心若危旆朝夕為君懸

和前二首

韋嗣立

茂先王佐才作牧楚江隈登樓正欲賦復遇仲宣來黃  
鵠飛將遠雕龍文為開寧知昔聯事聽曲有餘哀

其二

昔時陪二賢纓冕會神仙一去馳江海相逢共播遷無  
因千里駕忽覩四愁篇覽諷歡何已歡終徒愴然

偶遊龍門北溪忽懷驪山別業因以言志示

弟淋奉呈諸大寮

前人

幽谷杜陵邊風煙別幾年偶來伊水曲溪嶂覺依然傍  
浦憐芳樹尋崖愛綠泉嶺雲隨馬足山鳥向人前地合  
心俱靜言因理自玄短材叨重寄尸祿愧妨賢每揖掛  
冠侶思從初服旋稻梁仍欲報歲月坐空捐助岳無纖  
塊輸溟謝末消還悟北轅失方求南澗田

奉酬龍門北溪作

張說



石澗泉虛落松岬路曲迴聞君北溪下想像南山隈近  
念鼎門別遙思雲障陪不知奇觀往空覩斯文來歲後  
寒初變春前芳未開黃蕤裊岬柳紫萼折村梅畫室茲  
遊玩盈門幾樂哉嗟遊洛陽陌夢詣建章臺野失巢由  
性朝非元凱才希懷欽遠近幽意日塵埃

又

崔泰之

關塞臨秋水驪山枕灞川俱臨隱路側同在帝城邊謝  
公兼出處携妓玩林泉鳴鶻噴梅雪飛盖曳松煙聞琴  
幽谷裏看博古岩前落日低帷帳歸雲繞管絃叨榮慙  
北關微尚愛東田寂寞灰心盡蕭條塵事牽朝思登嶰  
絕夜夢弄潺湲宿懷南澗意况覩北溪篇

又

崔日知

夙齡秉微尚中年忽有鄰以茲山水癖遂得狎通人迨  
我咸京道聞君別業新岩前窺石鏡河畔踏芳茵既憐  
伊浦綠復憶灞池春連詞謝家子同懽異野賓趣閑魚  
共樂情合鳥來馴詎念昔遊者祇命獨留秦蕭條潁陽  
戀冲漠漢陰真無由陪勝躅空此託書筠

又

魏知古

有美朝為貴幽尋地自偏踐臨伊水汭想望灞池邊是  
遇皆新賞茲遊若舊年藤蘿隱路接楊柳御溝聯道愜

神情定機忘俗理指遂初誠已重兼濟實為賢跡是東  
山戀心仍北闕懸顧慙輕拾紫多謝賦思玄未躡中林  
步空承華藻傳陽春和已寡扣寂意徒然

自湯井還都經龍門北溪庄宿張左禮部崔  
光祿宿敦道義雅尚林壑急於幽尋遂不知  
別有勝賞偶然相過寒暄未周神意已往雲  
霞之致茂而不存逸轡放驅清塵徒企取歎  
不已而贈是詩

常嗣立

樓閣有愚谷好事枉朝軒樹接前驅擁岩傳後騎喧  
簾出野院植杖候柴門既拂林下席仍携池上尊深期  
契幽賞實謂展懽言末眷誠未易佳遊時更敦俄看  
儔侶倏已共飛騫延睇盡朝日長懷通夜魂空聞岼竹  
動徒見浦花繁多慙春鶯曲相求意獨存

奉酬韋祭酒見貽之什

張說

聞君湯井至蕭洒憇郊林拂曙携清賞披雲親綠岑歡  
然遊覽意欵曲放歸心是日期佳客同山忽異尋桃花  
迂路轉楊柳閉門深泛舟伊水漲繫馬香樹陰繁絃弄  
水族嬌吹狎沙禽春滿汀色媚景斜嵐氣深懷人殊未  
返重德匪輕臨來藻敷幽思連詞報所欽

和左僕射燕公春日端居述懷



任希古

豐野光三傑媯庭贊五臣  
縹湘歌美譽絲竹詠芳塵  
聖曆開環象昌年降甫申  
高門非捨築華構豈垂綸  
鳳邸搏霄翰龍池躍海鱗  
玉鼎昇黃閣金章謁紫宸  
禮闈通政本文昌總國均  
調風振薄俗清教叙彞倫  
星迴應緹管日御警寅賓  
葉上曾槐變花發小堂春  
思挂東都冕言訪北山中  
赫赫容臺上千祀要平津

酬宋使君作

張九齡

時來不自意宿昔謬樞衡  
翼聖負明主妨賢愧友生  
罷歸猶右職待罪尚南荆  
政有留裳舊風因繼組成  
高軒

問疾苦蒸庶荷仁明衰廢時  
所薄祗言僚故情

與袁補闕尋蔡拾遺會此公  
出行後蔡有五

韻詩見贈以此篇答焉  
前人

轍迹陳家巷詩書孟子鄰  
偶來乘興者不值草玄人  
契是忘年合情非累日申  
聞君還薄暮見眷及茲晨  
贈我如瓊玖將何報所親

酬王履震遊園林見貽  
前人

宅生惟海縣素業守郊園  
中覽霸王說上邀明主恩  
一行罷蘭運數載歷金門  
既負潘生拙俄從周任言  
逶迤戀軒陛蕭散及丘樊  
舊徑稀人跡前池耗水痕  
併看芳

樹老唯覺故廬存自伐棲幽谷逢君翳覆盆孟軻應有  
命賈誼得無冤江上傷行遠林間偶避喧地偏人事絕  
時霽鳥聲繁獨善心俱閉窮居道共尊樂因南澗藻憂  
豈比堂萱幽意加投漆新詩重贈軒平生狗知己窮達  
與君論

酬王六寒朝見貽

前人

賈生流寓日楊子寂寥時在物多相背唯君獨見思漁  
為江上曲雪作郢中詞忽枉兼金訊長懷伐木詩

武司功初有幽庭春暄見詒夏首獲見以詩

報焉

前人

芳月盡離居幽懷重起予雖言春事晚尚想物華初遲  
日曛方照高齋澹復虛筍成林向密花落樹應踈贈鯉  
情無間求鶯思有餘暄妍不相待含歎欲焉如

酬故人還山

宋鼎

舉棹乘春水歸山撫歲華碧潭宵見月紅樹晚開花肅  
穆輕風度依微隱徑斜危亭暗松石幽澗落雲霞思鳥  
鳴高樹遊魚戲淺沙安知餘興盡相望紫煙賒

奉和李右相中書壁畫山水

孫逖

廟堂多暇日山水契真情欲寫高深趣還因藻繪成九



江臨戶牖三峽繞檐楹花柳窮年發煙雲逐意生能令  
萬里近不覺四時行氣染荀香馥光含樂鏡清詠歌齊  
出處圖畫表冲盈自保千年遇何論八載榮

奉和李右相賞會昌林亭 前人

賢相初陪蹕靈山本降神作京雄近縣開閣寵平津地  
勝林亭好時清宴賞頻百泉縈草木萬井布郊畛德與  
春和盛功將造化鄰還嗤渭濱叟歲晚獨垂綸

酬萬八賀九雲門寺歸溪中作

前人

晚從靈鏡出林壑曙雲飛稍覺清溪盡迴瞻畫刹微獨

園餘興在孤棹宿心違更憶登臨處天香盈袖歸

和左衛武倉曹衛中對雨創韻贈右衛李騎

曹二人同任校書 前人

林父同官意宣尼久敬交文場刊玉篆武事掌金鏡道  
合宜連茹時清豈繫匏克勤尋簿領多暇屏讒譏美酒  
懷公讌玄談俟客嘲薄雲生北闕飛兩白西郊院暑更  
清曠庭蕪却漸苞高門關詎閑逸韻柱難膠枳棘鸞無  
歎倚梧鳳必巢忽聞徵並作觀海媿堂坳

和張明府登鹿鳴山 孟浩然

忽示登高作能寬旅寓情絃歌既多暇山水思彌清草

得風先動虹因雨後成謬承巴里和非敢應同聲

和張二自穰縣還途中遇雪

前人

風吹沙海雪來作柳園春宛轉隨香騎輕盈伴玉人歌  
疑郢中客態比洛川神今日南歸楚雙飛似入秦

江上答崔宣城

李白

太華三芙蓉明星玉女峰尋仙下西岳陶令忽相逢問  
我將何事湍波歷幾重貂裘非季子鶴氅似王恭謬忝  
燕臺召而陪郭隗蹤水流知入海雲去或從龍樹繞蘆  
洲月山鳴鵲鎮鍾還期如可訪台嶺蔭長松

酬汴州李別駕見贈

祖詠

秋風多客思行旅厭艱辛自洛非才子遊梁得主人文  
章終未議榮賤豈同倫嘆逝逢三演懷賢憶法真情由  
恩舊好契託死生親所愧能投贈清言益潤身

奉和張使君宴別加朝散 盧象

佐理星辰貴分榮渙汗深言從大夫後用答聖人心騎  
擁軒裳客鸞驚翰墨林停杯歌麥秀秉燭醉棠陰爽氣  
凌秋笛輕寒散冥砧祇因將四子講德謝知音

酬張少府

王維

晚年唯好靜萬事不關心自顧無長策空知返舊林松



風吹解帶山月照彈琴若問窮通理漁歌入浦深  
酬虞部蘇員外過藍田別業不見留之作

前人

貧居依谷口喬木帶荒村石路枉迴駕山家誰候門漁  
舟膠凍浦獵火燒寒原唯有白雲外踈鐘猿夜聞

酬楊比部員外暮宿琴堂朝濟書閣率爾見

贈之作

前人一作盧照鄰

舊簡拂塵看鳴琴候月彈桃源迷漢姓松樹有秦官空  
谷歸人少青山落日寒羨君棲隱處遙望白雲端

酬郭給事

前人一作李愷

洞門高閣藹餘暉桃李陰陰柳絮飛禁裏踈鍾官舍晚  
省中啼鳥吏人稀晨搖玉珮趨金殿夕捧天書拜瑣闈  
強欲從君無那老將因卧病解朝衣

和太常寺韋主簿五郎溫湯寓目之作

前人

漢主離宮接露臺秦川一半夕陽開青山盡是朱旗繞  
碧澗翻從玉殿來新豐樹裏行人度小苑城邊獵騎迴  
聞道甘泉能獻賦懸知獨有子雲才

故人張諲工為詩善易卜兼能丹青草隸頃  
以詩見贈聊復酬之

前人

不逐城東遊俠兒，隱囊紗帽坐彈碁。蜀中夫子時開卦，洛下書生解詠詩。藥欄花徑衡門裏，時復據吾聊隱几。屏風誤點惑孫郎，團扇草書輕內史。故園高枕度三春，永日垂簾絕四鄰。自想蔡邕今已老，更將書籍與何人。  
奉酬睢陽路太守見貽之作

王昌齡

盛才膺命世，高價動良時。帝簡登藩翰，人和發詠思。神仙出華省，鴛鴦憶丹墀。清淨能無事，優游即賦詩。江山紛想像，雲物動威蕤。逸氣劉公幹，玄言向子期。多慙汲引速，翻愧激昂遲。相馬知何限，登龍反自疑。風塵吏道

迫行邁，旅心悲拙疾，徒為爾窮愁。欲問誰秋庭，一片葉朝鏡數莖絲。州縣甘無取，丘園悔莫追。瓊瑤生篋笥，光景借茅茨。他日青霄裏，猶應訪所知。

酬貴韶州見寄

杜甫

養拙江湖外，朝廷記憶疎。深慚長者轍，重滯故人書。白髮絲難理，新詩錦不如。雖無南過鴈，看取北來魚。

奉和杜相公新移長興宅呈元相公

劉長卿

間氣生真宰，同心奉至尊。功高開北第，機盡灌中園。入並蟬冠影，歸分騎士喧。窓聞漢宮漏，家識杜陵原。獻替



酬和部  
卷三十五  
常焚藁清閑獨樹萱花香逐荀令草色對王孫有地先  
開閣何人不掃門江湖難自退明主託元元

酬滁州李十六使君見贈 前人

滿鏡悲華髮空山寄此身白雲家自有黃卷業長貧懶  
任垂竿老狂因釀黍春桃花迷聖代桂樹狎幽人幢蓋  
方臨郡紫荆忝作鄰但愁千騎至石路却生塵

酬張夏人日長沙感懷見贈

前人

舊俗歡猶在憐君恨獨深新年向國淚今日倚門心歲  
去隨湘水春生近桂林流鶯且莫弄江畔正行吟

奉和王相公早春登徐州城

皇甫冉

落日憑危堞春風似故鄉川流通楚塞山色遶徐方壁  
壘依寒草旌旗動夕陽元戎資上策南畝起耕桑

和袁郎中破賊後經剡中山水

前人

武庫分帷幄儒衣事鼓鼙兵連越徼外寇盡海門西節  
比全踈勒功當雪會稽旌旗迴剡嶺士馬濯靈溪受律  
梅初發班師草未齊行看佩金印豈得訪丹梯

山中酬楊補闕見過

錢起

日暖風恬種藥時紅泉翠壁薜蘿垂幽溪鹿過苔還靜  
深樹雲來鳥不知青鎖同心多逸興春山載酒遠相隨  
却思身外牽纓冕寧勝杯前倒接巵

和王相公題中書叢竹寄上元相公

郎士元

多時仙擁裏色並翠琅玕幽意含煙月清陰庇蕙蘭枝  
繁宜露重葉老愛天寒竟日雙鸞止孤吟為一看

酬程延秋夜即事

韓翃

長簾迎風早空城淡月華星河秋一鴈砧杵夜千家節  
候看應晚心期卧正賒向來吟秀句不覺已鳴鴉

和王倉少尹暇日言懷

盧綸

清時多暇日况乃是夫君習靜道仙事書空閱籙文劍  
飛終上漢鶴夢不離雲無限煙霄路何嗟跡未分

和太常寺李王簿秋中山下別墅即事

前人

清秋來幾時宋玉已先知曠朗霞映竹澄明山滿池葺  
橋雙鶴起收果衆猿隨韶樂方今奏雲林徒蔽虧

酬常渚秋夜有懷見寄

前人

蕭條永良夜秋草對衰顏露下鳥初定月明人自閑獨  
悲無舊葉共喜出時艱為問功成後同遊何處山



酬李校書端見贈

司空曙

綠槐垂穗乳烏飛，忽憶山中獨未歸。  
清鏡流年看髮變，白雲芳草與心違。  
乍逢酒客春遊慣，久別林僧夜坐稀。  
昨日聞君到城闕，莫將簪弁勝荷衣。

酬張芬赦後見贈

前人

紫鳳朝銜五色書，陽春忽布網羅除。  
已將心變寒灰後，豈料光生腐草餘。  
建水風煙收客淚，杜陵花竹夢郊居。  
勞君故有詩相贈，欲報瓊瑤恨不如。

酬暢當

耿滯

司游滌沮後，已是十年餘。  
幾度曾相夢，何時定得書。  
日

高城影盡霜裡柳，條疎且對尊中酒。  
千般摠未知

酬崔峒

王烈

徇世甘長往，逢時忝一官。  
欲朝青瑣去，羞向白雲看。  
榮寵無心易，艱危抗節難。  
思君寫懷抱，非敢和幽蘭。

酬王侍郎西陵渡見寄

嚴維

前年萬里別，昨日一封書。  
郢曲西陵渡，秦官使者車。  
柳塘薰晝日，花水溢春渠。  
若不嫌雞黍，先令掃敝廬。

酬劉員外見寄

前人

蘇耽佐郡時，近出白雲司。  
藥補清羸疾，窓吟絕妙詞。  
柳塘春水漫，花塢夕陽遲。  
欲識懷君意，明朝訪檝師。

和尉遲侍御夏杪聞蟬

戴叔倫

楚人方苦熱，柱史獨聞蟬。  
晴日暮江上，驚風一葉前。  
蕩搖清管雜幽咽，野風傳旅舍煩。  
君聽無由更晝眠。

和河南羅主簿送校書兄歸江南

前人

兄弟泣殊方，天涯指故鄉。  
斷雲無定處，歸鴈不成行。  
草莽人煙少，風波水驛長。  
上虞親渤海，東楚隔瀟湘。  
古戍陰傳火，寒蕪曉帶霜。  
海門潮灑灑，沙岬荻蒼蒼。  
京輦辭芝閣，衡方憶草堂。  
知君始寧隱，還緝舊荷裳。

奉酬劉端公飲後贈諸公見示之作

前人

佐幙臨戎旌旆間，五營無事萬家閑。  
風吹楊柳漸拂地，日映樓臺欲下山。  
綺席晝開留上客，朱門半掩擬重關。  
當時不敢辭先醉，誤逐群公倒載還。



酬和之作雖皆各主一事其格調致思  
自與倡者別是機軸若和登鹿鳴山等  
篇則首尾全為和詞矣大都唐而上不  
必拘執韻脚而意獨到詠是卷可見間  
有散出他部蓋其各主意勝者也交識

苑詩類選卷之二十終





